

雲光集卷之四

聖水玉階王處一撰 連七

沁園春

予自七歲遇東華帝君於空中聲音喚不令昏昧至大定戊子復遇重陽師

父因作此詞用紀其實云

元稟仙胎隱七歲玄光混太陽感東華真跡
飄空垂顧悟人間世夢復遇重陽密叩玄關
潛施高論皓月清風煉一陽神丹結繼璇璣
轉運羽化清陽欣欣舞拜純陽又虛妙天師
同正陽命海蟾引進旌陽元妙古任安尹喜
聞金丹陽大道橫施驅雲天下絕蕩寬魔顯
玉陽諸仙會講無生天理空外真陽

滿庭芳

住鐵查山雲光洞作

俯視滄溟屏山掩映萬重松檜森然金波滾
滾雲鎖翠峰巔畫對清光浩渺更闌顯月印
新鮮圓明聚紅霞影裏捧出洞中仙元初真
面目如今了了高卧雲軒為丹籙無漏願養
三千聖祖垂光下降諸天舉眼子朝元功成

也金書紫詔常在玉皇前

中亦于大郎索

一點靈光無中顯現太平高步煙霞清風皓
月流注玉京砂五氣三元結秀升騰處雲路
交加蓬瀛會瑞光縹渺盈座散香花堪誇真
妙用仙丹一粒洞煥東華滿太虛寥廓清境
無涯認得元初至性因修鍊清淨根芽圓成
也玉蟾影裏懸起大羅家

上京劉朝真索

四大容儀三田靈秀鍊成九轉丹砂虛無自
在道作生涯淨土祥光瑞彩玲瓏貫天外
煙霞沖和處鳥飛色走同運紫河車真仙閑
妙趣善提佛果一理無差指玉清境界此際
何賒却聽金書紫詔人間事元沒交加當歸
去慶霄高會風景向誰誇

贈盧宣武

日裏金雞月中玉兔變通玄象盈虧無形幹
運三界現慈悲長養諸天大地資三教天下
歸依真明了觀天之道清淨更無為十方諸
道眾迴頭猛悟拂袖雲歸養神胎靈骨鍛滅

陰尸定是回顏易質通玄真物外精持丹圓
滿根源了了皆作度人師

心藝真香神排妙供滿空遙送丹方收藏靈
寶嘉瑞自呈祥一點穿聯浩劫兩儀內反復
陰陽全真樂園團性月光散滿空香搜詳玄

妙理根源無漏道德芬芳聚神砂玉液無致
傾亡結果真仙妙道超三界無極清涼全家
悟順神養浩皆得到蓬莊

贈萊陽縣宰劉顯武

今古相傳昌陽勝地好修六度三壇休心絕
慮順養紫金丹玉洞收歸萬代崑岡上風月
珊珊雲光聚三田結秀返老變童顏玄關牢
鎖閉金嬰玉托仙詔追攀挂六天如意復採
芝蘭香有長天高舉飄飄聚羅列仙班君知
否緣深行廣遠道本非難

因福山縣王遠村北丹竈山道友聚

話論及此山乃方平修煉之處話間
空中忽有報應遂作
丹竈為岡清洋蟠繞普居王遠家莊八山聳
翠四水聚賢良五彩祥雲覆罩三天上仙韻

琅琅金童報九霄傳道無外我容光空生初
請問真如善應大法空王演苦空般若左右
圓方立教分乘引度通十地諸聖行藏虛空
裏希夷大道浩劫永無疆

贈出家眾

米麥精華沖和恬快自然造化成神無生妙
道迤邐變良因既得長生久視明顛倒月伴
風鄰先師教願真了性富國更安民清新騰
朗耀天威掃蕩穢穢氛布大慈甘露廣被
人倫却返生前混沌重加遇枯朽逢春方知
道三田寶滿一性免沉淪

三宣到都住持天長觀復教修新道

院乃作

詔赴天長教修堂宇道弘一布歸真我師玄
化譚焉並加恩七弄金蓮顯異清朝喜優渥
惟新重宣至車乘駟馬祝謝聖明君皆成諸
法會親王宰職裏外忠臣遇太平真樂道德
洪因更望參玄衆交遵三教千古同欣齊回
向吾皇萬壽永永御楓宸

讚丹陽公

久官東牟清門高廣自然別有行藏呂真遺
訓一指遇重陽拂袖西秦順化真功就復返
吾鄉朝元去迴顏換質處處顯嘉祥昌陽留
異跡普天設教勸發心香得靈源開悟獨處
清涼寶鼎成九轉明顛倒返照迴光同成
道稱揚盛德呈上滿庭芳

黃縣久旱請作黃錄醮得飽雨作

暫別東牟西遊登郡萬靈遙列金鄉無窮仙
眷空外總呈祥休道蓬萊路遠諸真聖都會
芝陽星壇下涼天靜夜雲宴禮虛皇十方同
法會丹誠對聖出罪行香度九幽離苦悉觀
三光見在俱蒙福祐霑甘露同免災殃道遙
樂壇壇罷散齊唱滿庭芳

龍轉西江金光搖曳躡身飛上穹蒼與雲吐
霧威力大施張攝穢俄逢飽雨人心盡欣喜

洋洋將何喻如收瑞寶恰似到仙鄉真陽勝
朗耀虛無象外剔現容光住混元三界永劫
無央深荷三清降福為東南雲海行香休言
破太平隨喜以道證真常

贈范明叔

寸步西流衝開牛斗清風皓月容光滿空聖
衆把我好相將俯賜鸞駉鳳駕獻金鼎丹藥
馨香天河轉星壇月殿端的景非常老來雲
漢去皮囊脫下一列吾鄉返玉京金闕仙路
悠揚穩挂天衣可體靈風散瓊瑤瑤瑞朝元
會十方三界齊唱滿庭芳

示門人今往文登設貧

彭李劉哥三人一志能和滿縣知文寧心効
力相助各堅牢今日文山去也設貧會無論
早高嚴冬苦迎風冒雪認取莫辭勞撇柴并
運水依時救濟粒米休拋粟合堂高意寵辱
含包滅火須憑法忍除陰鬼全仗禪刀真陽
動真金鍊王永列仙曹

贛榆縣諸王廟黃錄醮贈眾

海郡行緣贛榆闡化良因復顯諸王謹修黃
錄特地召嘉祥萬里雲收霧卷微風息燈燭
焚煌星壇上步虛聲舉月下正悠揚頻頻施
拜跪虔誠仰徹列聖聞香降無邊慈惠普救
存亡從此皆成快樂離陰府升上天堂開雲
宴保生接壽齊唱滿庭芳

抄化孤魂經紙

杳杳窮魂宜宜夜沉沉莫辨年齡全無知
識何處問親情一自飄零浩散空愁意寧得
超升同垂救巡門拜覆乞紙復抄經明公宜
省察慈悲願廣福利咸增感三天諸聖悉副
微誠火翳翻為蓮沼恩光射枯骨迴翼皆遭
遇永除愆過悉得悟圓明

述懷

苦海奔波荆山勞役欲求寶璧嘉祥周而復
始督地悟真常兩湊玄關運度升靈曜飛出
扶桑迴光看璇璣萬象一一現明堂人還窮
此理塵緣悉屏世夢都忘覺身心和暢無限
清涼萬化收歸鼎內紅光道丹熟馨香吞服
了還童返老出自滿庭芳

丹陽昇霞作黃籙醮龍憶師述作

的祖純陽隨時顯異密傳師父仙宗重陽憫
化遺教馬扶風幹運玄機順應真功就三界
圓融垂光降亡靈濟度都在碧霄中諸公還
悟解頓拋俗海體道皆同聚玄珠丹寶返老
還童定是超凡入聖騰雲外光滿山東真無

妄承成九轉直赴大羅宮

贈出家

厭貴辭榮甘貧慕道謙和柔弱行藏通真內
鍊隨步變清涼一點靈空頓曉明顯現千古
嘉祥因緣濟玉陽自此同係見重陽心香通
內外氣盈過徹三界十方感大羅仙眾俯降
恩光總救九玄七祖離幽夜高赴仙鄉天元
會萬神慶悅齊唱滿庭芳

贈廣陵鎮散人

聖訣仙方玄機妙理無文口口相傳幸蒙師
誨說破末生前點把周天幹運見參羅萬象
推遷成造化真龍真虎真汞與真鉛黃庭交
會處五行顛倒八卦穿連仗玉鑪金鼎巨火
烹煎九轉功夫數足丹成也陰盡陽全長生
道非遙非近非缺亦非圓

攢三字

三光從道神守清涼悟正遙唱滿庭芳上朝
歸去性光泛純陽觀闡者同我證真常我開
化信順福壽延長仁丹結四大圓方明中叫
笑出通關嘉祥語道德隨步任飄颻

神光燦

石中隱玉蚌內藏珠須憑匠手功夫裏面真
光顯現恰似元初欲要明心識性把般般打
破空虛清淨處見天如玉葉秋夜蟾孤自是
十方明徹握陰陽樞要塵垢難拘古往達人
因此妙入無餘論甚千枝萬葉與儒門釋道
同居常歸一證圓成了了得赴仙都

滿路花

普天諸道衆的可認真修九關無漏果萬神
留金鉛玉汞水火自添抽三田雲浪滾般載
金丹玉人穩駕神舟乾坤淨日月交流功行
悉圓周一靈真性在任遊遊滿空仙眷接引
接雲頭浩然超法界應化人間大羅玉簿名
收

贈三州五會善衆

文山崇七寶寧海涌金蓮二光同照耀玉華
天能持平等結果好因緣五方清雅致和氣
盈盈化成瑞霽祥煙吐仙花四季新鮮光焰
射雲軒收藏天地隨上朝元金嬰玉牒不語
內傳言萬神皆仰聽都會龍祥大金東土神

仙

寄朝元公

深蒙頻見召驚悚可奔馳三州綠未盡不能
離諸方主黜切忝度羣迷忽承佳翰至不久
親來再同一話玄微善稱揚大道根基開發
衆心疑前程關要處謹精持玄珠收得時復
飲刀圭寶華圓滿後透過晴空玉京別有嘉
期

贈文山周先生

仙花常爛熳不減四時榮因憑真水火鍛金
精功圓丹結步步彩雲輕滿頭風月爽一粒
刀圭太虛仙路親行任消除萬劫塵情別有
好前程這迴無老死得長生仙風道骨自覺
太孫清萬泓銀河轉撥弄天關大羅真性圓
明

木欄花慢

贛榆縣諸王村三殿廟黃籙醮罷作
恣逍遙豁暢乃容膝小金山用妙力加持興
洪大醮真聖臨壇恩光徧施下界救存亡離
苦列仙班明貫從容法體宴居一味蕭閑迴

還訪演幽深將內外事都刪聚五蘊清涼天
寧地靜撞透三關皇天助弘大道度羣生萬
類不為難指日金書詔下永辭俗海塵寰

一枝花

藥方

普勸門中友妙藥時人有先師親說下與君
修一味真心繫縛休教走柔弱為引子低下
服之論甚食前食後大忌氣財并色酒關處
稀開口忘情恩愛斷罷憂愁依方修合更不
傷懷袖謹服三五載返老還童管得長生不
朽

軟鞋

謝人助緣

清信出寬懷都莫亂來猜累蒙施惠要重開
又百無回奉相酬賽春深去夏歸來齊會好
編排增福更消災始終如一不生爭守無為
清淨真功滿離塵世赴蓬萊

青玉案

初宣作

奉宣請住天長觀聖語何曾斷持賜墨畫為

管伴隨機賞宴百端嚴備舉上雲霞奕玉樓
金殿空中滿萬象相交貫一顆明珠光燦爛
瑤池仙會萬神都聚永永居霄漢

第三宣作

自從得遇真空伴獨把頑心鍛現出天如青
玉案神宮起火內丹光滿了性真無亂三宣
賜紫天長觀一闌清風岸掃蕩妖靈無打算
十方三界化生清淨天外無拘管

詔赴太清宮普天醮作

上天容許清貧漢隨處香風散萬禍千災真
不亂寧心行教普開心月了悟迴光看太清
宮下重遊說萬事俱無絆仰答皇恩酬木願
逍遙迴步密州安化復隱元居觀

謝師恩

謝師提挈沉淪外生死難交代不墮輪迴超
法界諸天運度化生無相一點圓明在蕩搖
浮世常安泰閑把瓊芝採護法神君威力大
流鈴擲火掃塵千里拚盡諸魔害

贈皇親四官人

出塵同結道遙伴更不爭長短自有元初真

容面增延福壽妙通玄與品位重遷換靜調
龍虎常交戰靈寶橫心轉四大光明同一煉
昇煙降霧電馳雷震管地神童現

贈東道友二首

玉陽一過疑雲斷不落昇沉絆試問青州雲
侶伴俱懷妙用每持齋施步步心香爨福星
空外明昭煥應化真無亂霄壁瑤花通內觀
金丹結就紫書來詔指日登雲漢

隨緣順化行方便豈敢微生倦唯望英豪皆
向善遵崇內教外施洪行各把頑心鍊兩肩
童子相攀戀報應頭頭顯家道與隆多喜宴
同躋福壽永除災障多昧修真願

請觀頌度牒

須知塵世先陰短當種福興仙觀活劫長存
功德塞添名注壽補還慈過了陰司管度
雲縵繞恩無斷霞友雲朋喚共賞仙花香爛
漫流霞泛飲醉歸何處宴息蓬萊館

贈福山縣仁壽保善眾

福山仁壽堪予羨各各施方便感得天公垂
照管遷恩布德滅愆消過福祿隨年轉搜真

去假心無變漸漸通修鍊俱得掌雲親手段
先亡往逝盡令超度滿却平生願

李悟真索

大郡七寶真如體不可空拋棄玉藏常收無
根水純陽鍛鍊滴成珠露變化真祥瑞三般
妙物騰空戲雪暖金花麗無色神容方顯異
鸞駢鳳駕一昇霄漢占斷清涼位

卷皇親見召

三冬凜冽彤雲布六出飄飛絮地凍天寒難
進步滿途冰雪喚回重稚且向茅菴住貴州
大醜無推訴必要功圓聚遠逝新亡皆濟度
加持妙道展舒雲宴一會朝元去

警俗迴心

好兒好女心頭氣生死難相替不測無常先
到你皮囊具爛骨散分散空惹冤家淚悟來
不使心猿戲慧劍磨教利六賊三尸都趕離
炎炎紫焰載般丹寶上獻三清帝

文登丹霞觀二首

市官吏同興觀立志皆無倦起建丹霞功
不淺修真養浩絕除貪愛一點重明顯混元

三界光輝滿了了登雲漢下投存亡都著岸
施弘正道永超無礙有箇靈童喚

保身功德須圓滿認取元初面早把前程同
了幹三田運度二儀交泰上下光明貫知音
推舉相邀喚此理誠幽遠皆作天元真法眷
神超雲外更留名姓記在丹霞觀

贈贛榆善眾

神光欲列真仙位道德休輕棄默養玄珠無
玷類五般光彩一輪圓相見了生慚愧兩條
玉路分天地箇內呈嘉瑞躍入雲霄朝玉帝
永無生滅到茲方契般若經中偈

前後帶喝馬一聲

就中偏許通音耗一例誰能曉有箇人人靈
復俏攢星步斗暗符顛倒金書報升降朝元
道碧虛仙眷重遷號方喜圓明了皓月堂前
天風掃晴空來徃我從玄教仙無老超越蓬
萊島

江神子

述懷

青天為被地為氈覆靈源照心田玉水金鉛

兩脉吐流泉自是道芽橫碧漢頻繞灌再新
鮮雲朋霞友暗相傳意絲絲運胎仙容鎖玄
關光透九重天丹就萬神齊慶賀真靈性復
朝元

進道

神光涌涌透宵蒼漆靈陽悟真常般運三車
都會聚羽堂撞過天門歸紫府無衰老免危
亡寄身浮世效風狂性芬芳骨堅剛了了圓
成不假暗遮藏八表飛騰無聖礙隨萬物顯
圓方

投真

本源真性靜寥寥任飄飄恣道遠便是虛空
天外顯靈苗獨樂閑無彼我呼皓彩吸清
飆青蓮池上瑞光搖赴層霄玉名標慧劍揮
空除恠斬羣妖開闢古今清淨道洪普濟法
輪橋

暮山溪

示門人

出離苦海須要明修鍊漸漸滅塵情默默神
功斡旋虛无造化丹鼎紫芝香金花結玉泉

流全體神光滿千災不染萬病都消散七竅
總沖和通八脉飛升內院九宮十地六賊香
無形三光顯二童傳一性無移變

贈都下門人

都城吾輩辦道休生退百行勿相違常體三
光不昧天玄地妙真慧撮靈明親益友論長
生此理應無費太平逸樂亘古真無壞一粒
化生珠兩道光明作對人天法界隨處藝心
香超造化越娑婆穩赴瑤池會

于二翁染疾求教

青山涿水獨我為生計百病總消除一性圓
明不諱丹成果滿都會玉虛壇觀自在樂道
遙別有神仙位公運猛悟萬事俱拋棄細細
數前程速速超離濁世結成仙眷積累大功
深通妙理脫凡籠永無傾逝

贈劉七翁

清心靜坐自是天加護處處鬼神欽復感仙
賢救助善星羅軍部絕尸各常快樂永安
閑千載成遺遇心香不斷丹懇重敷露目下
顯嘉祥貴子賢孫雲聚若還迴首別有好生

涯清養浩靜願神決得真師度

贈卑一翁

欲通微妙聽取些兒活性定乃神留一顆圓
明運化靈宮起火深鼎玉泉流噴紫焰輟金
丹表裏光明射銀河灌頂滿面天風灑空外
走蟾輪擺弄周天八卦雙關撞過真性蓮亭
蒼忘世夢出陰陽自在逍遙也

歸朝歡

繼古韻 五首

業盡神生光一簇願養長生真面目心明還
似月當天神清有若風搖竹醉唱仙部曲更
令般載瑤臺玉透崑宮星壇月殿日射噴紅
綠不向人間貪福祿時得諸天常整覆五方
霞彩結成雲洪波裏面金丹灑燦爛明勝燭
七寶九宮光透轉玲瓏刀圭入腹不論驚
榮辱

四大圓光攢一簇明月清風鬧慧目法身養
就道根芽仙童手執天花竹會彈絃外曲本
性瑩若荆山玉樂真歡閑吟碧洞門出祥煙
綠苦盡甘來天賜祿日月交宮真及覆無中

別有好家風免投胎舍重撈渡性燦常照燭
應化太虛通純氣箇靈明包羅萬象出離生
死辱

玉蛇金嬰圍繞簇玉葉金蓮清骨目金光籠
罩玉麟龍玉泉澆濯金稜竹玉鋒鳴勝曲玉

樓金殿金間玉王金交玉鑪金鼎煇道青黃
綠玉飯金漿非世祿玉免金烏常往覆玉山

玉海玉乾坤玉人玉性無淋漓玉蟾明匪燭
玉樹蟠桃仙果熟玉京丹玉陽服了不被諸
仙辱

無限神光常圍簇瑞雲盈滿目青鸞亦
鳳舞仙宮不投塵世棲凡竹性珠明九曲靜

中鍊金丹鍊玉做生涯坐觀浮世幾度黃河
綠天女天男天衣祿仙語仙言仙稟覆謝天

謝地謝神祇免教玉性拖泥瀝聖真常照燭
不虧功行丹漸熟透晴空太玄之外無籠還

無辱

羽蓋霓旌滿空簇暗合朝元真數目道遠自
在樂真歡何須一泓喧絲竹洞仙歌雅曲珮

環時響清韻玉做奢華瓊髮玉醴不讓金盃

綠宴寵高真重賜祿從此靈明無蓋覆迴嗟
塵世謾貪饕餮將根本成波瀾不知昏性燭
蓋因那邊光景熟恣起昇復投幽暗刻地遭
凌辱

踏雲行

一得沖和重觀幽勝鳥飛兔走交相應化成
天理任縱橫丹籙萬道金光送開度諸天祝
邀真聖升騰發顯如如性福生無量見元初
這迴了了無修證

贈劉妙真化緣

善化行緣心清步穩通玄路上同參論丹誠
修鍊滅兒頑建成大福相資潤拔度昏迷點
開心印十方父母皆巡問今生既得遇全真
歸期自有神仙引

贈文登王志明

箇箇修真人人辦道玄機妙理須尋討時時
常養寶瓶香朝朝每把心田掃步步清涼神
光覆罩十方賢聖加恩報紫霞堆裏玉容光
長春境界無衰老

登州閣一翁索

神氣沖和光明集聚三曰上下流瓊素關中
時復飲刀圭金鉛玉永攢然住女蛇嬰嬌雲
朋霞侶無生無滅乘空步教傳四海奉全真
功成有箇師來度

贈登州韓一翁

咫尺蓬萊三山相叩金波玉浪鳴哮吼翠光
搖曳接穹蒼清風皓月籠星斗萬派銀蟾圓
光並漆玲瓏七寶真祥聞人還似此作修持
玄元大道皆成就

詠鐵查山石芝

四海雲膏三山靈秀採芝須要忘形友充飢
濟渴養瓊苗添神益算光明透鸞鳳翔翔虎
龍戰閭金獅玉象鳴哮吼已曾携去獻高真
人還服了無衰朽

贈道人

博瓦高行治鐘妙性琴棋書畫粧盤並鑿鏈
繩墨與熏縫接裁出藥俱邀請速踏雲行善
山溪嶺長思仙路重相等西江月下望蓬萊
道遙樂處全真省

行香子

過師

定八年間得遇重陽感真慈訣破心王清中
誘化靜裏斟量見紫霞生祥風至聚雲光
抱一無雜應物圓方喚東牟得道嬰郎丹成
果滿披挂霓裳便見三清朝玉帝普行香

贈濱州小胡

有箇真方誰肯承當聚煙霞醴郁清涼沖盈
法體補益神无定本根源無生忍返嘉祥元
氣充膾渴飲霞漿混玄精與道為常碧蓮自
綻瓊華芬芳結紫金丹清真果滿官蒼

謝聖水會衆

獨倚蓬門作箇行香讚虛無道德清涼穿金
透石空外呈祥便飲刀圭添丹鼎鍊真陽那
散長空得遇仙方謝諸公頌賜衣糧重開道
宴補惜靈光自享遐齡增福慧遠悲傷

贈萊州劉小童

無相容光莫放飄飄散玄珠寶顆真祥隨情
流轉定落空亡更道難成功難就業難當處
志精誠把握陰陽遍靈官寶殿行香金童作
對玉女成行得五門開雙關透出崑岡

勸人改惡遷善

欲避災凶心喜顏紅把般般萬事休窮當持
淨念欽慕玄風每樂真歡搜真趣悟真空朗
月當宵照破邪蹤有雲朋霞侶相逢同起法
界共返仙宮禮大羅尊諸天聖玉虛宗

謝公主惠香

快息回惶廣啓心香謝清頒檀隨沈香金鐘
篆起法界飄香獻玉虛尊諸天帝普聞香仰
祝吾皇稽首焚香讚金枝玉葉馨香一人布
德萬國傳香願本來真元初性自然香

一點圓光妙洞真香恣逍遙三界行香沖和
道體浩瀚天香得大良因長生果性靈香清

淨仙香無價名香遇清朝遠近欽香太平逸
樂花卉偏香願大功成朝元去滿空香

勸徐老奉善

苦海茫茫深可悲傷箇風風稍悟真常衣冠
不整俗業消亡乃了真功忘彼我沒參詳身
入圓光寶現嘉祥瑞燦籠七朵蓮芳重開玉
藥復結銀霜透太虛中無衰老永清涼

贈不語王哥

真樂開闢口過刑刑養沖和屏蕩愚頑圓融
法性復變重顏便出三乘超十地不為難五
彩回環京鍊金丹看仙鑪虎繞龍蟠陰陽數
足撞透天關就躡祥雲朝元去列仙班

蘇幕遮

誠道人相爭

出家兒須決斷自已搜尋不論他人短性命
休令塵惹絆謹謹修持獨把頑心鍊養沖和
神不亂點滴靈砂般般登雲漢玉蛇金嬰呈
手段無作無為物外真空伴

寧海趙信武索

五明宮三光照八脉嬰兒九轉通玄妙七寶
林中常舞跳十地玲瓏一箇真歡笑杳冥冥
冥香香今古諸仙永水同相召外道天魔都
未曉方喜圓成了了還重了

述懷

我風狂真九百豁蕩乾坤爽氣猶嫌窄大道
通融非有隔地靜天清寸步輕輕驚晚雲收
秋月白萬象參羅燦燦流清色休道東牟無
羽容妙用玄機得真常得

丹陽祠堂

彦明姜鍾子政文舉先生三友於中省各發
丹誠用得正助闡玄門轉化昌陽境玉陽王
為袖領外誘諸公結果全真行工匠同流須
至敬感動扶風專向蓬萊等

姜鍾二公法名

鍾守中姜守靜接引丹陽濟度諸靈性志懇
心堅人盡敬遠近聞風一布欽真聖到如今
誰復聽工匠艱難倒把鋒芒聘多少良材皆
棄屏先要交錢不敢違他命

徐公問因果

守靈芽般瑞果七寶金蓮應結長生果無作
無為成道果出離凡籠沒證真仙果老來修
難成果透漏真元敗壞祇園果拍手空迴沒
因果譬如無常速鍊金真果

請丹陽法體往西關

嘆華夫遠正道巧使機謀詭佞姦邪狡敗壞
宗風無處告破鏡鳴鶴和我難分曉到如今
誰敢保密裏藏碑反辱全真教東海西秦皆
被惱曹貴萊為須有天神報

示李梁張三人

李張梁聽少告休休躊躇縱得心顛倒每恨
玉陽無吞報似此修行何日歸蓬島大唐僧
九度老萬種艱辛一志終須到東進佛經弘
釋教相契如來證果真常道

勸休網罟

我生來元怕死固帶深根方證長生位一切
含靈無稍異普願安全此是天公意運慈悲
呈雅瑞赫赫靈靈萬道祥光起三界高真興
法喜祐護人人各各無災沴

勸迷徒

嘆迷人如大醉敢使機謀爭眼謾天地殺盜
邪淫呪神理一向無知不顧臨時罪氣歸空
形委廢性識區區走入幽牢裏無限冤魂誰
放你鞭棒摧身她狗爭吞噬

勸船戶

勸諸公當發菩提網罟休施善處尋生計自有
神明照察你福壽重增別享甘甜味得真歡
除濁穢一性圓明萬法都捐棄靜看靈源生
雅致返老還童占斷清涼地

勸修鍊

識三田通八脉九轉光明一點無塵隔放蕩
真慈通香默丹寶靈芽般戴青黃白透崑宮
仙桂宅逢出神珠空外呈紅赫奉勸塵寰寄
宿客早早收心了取真功德

做修行須體究把握靈源莫遣丹砂漏此箇
功夫世罕有內得神全外得身長善辨沖和
明交媾玉液瓊漿吞嚥三光秀上下循環通
九九撞過天門永作煙霞友

白蓮池金液沼龍戲明珠紫霧常圍繞虎撞
羣羊山下開驚起白牛九曲江邊跳赤鸞飛
朱鳳噴海底嬰兒抱定龜蛇笑長就黃芽通
節要陰裏生陽幾箇人知道

贈蓬萊李一翁

說修行蒙見許端的迴心戀甚妻兒女好漢
不教人數賊苦海奔波充箇前程路脫塵寰
出幽府七祖先亡救拔升雲步既沒輪迴真
漸悟行滿功成浹應三清舉

行化

遇行緣逢知友法水洗心滴滴靈明透收在

鑑中無外走二氣升騰顛倒祥輝湊貫泥丸
通肘後晝夜慙慙不許纖毫漏奪得玄珠呈
好手雲步青霄大道方成就

望蓬萊

寄朝元公

朝元子偏共道相親宿契良因今日現未來
妙果再鋪陳日日轉清新造化空外走蟾
輪認正本來清淨主瑤臺閬苑四時春方稱
箇中人

示門人

○修真子物外細搜求既得出家須惜福各增
功行度春秋諸事一齊休持內照心月按雲
頭三物沖融成大藥三關流轉旋添抽元海
把根收

贈小童

諸童稚謹意學文章萬事不令心散亂忘情
緘口養和光開悟內丹方添清爽一性轉溫
良大抵儒風并道理若能運用兩無妨了了
赴仙鄉

述懷

天之道妙用不虛傳一點生成真法性二儀
鍊就出塵仙隨步結金蓮明了了顛倒顯根
源四大扶持真水火五光照徹九重天七祖
畫朝元

雲光集卷之四

正一天師清微弟子 洪百堅 製作

道教學術資訊網站

重陽全真集序

枝一

全真之教大矣哉謂真者至純不雜浩劫常
存一元之始祖萬殊之大宗也上古之初人
有純德性若嬰兒不牧而自治不化而自理
其居于子自適自得莫不康寧享壽與道合
其真也降及後世人性漸殊道亡德喪撲散
純離情酒慾穀靈於中愁霜悲火魔於外性
隨情動情逐物移散而不收迷而弗返天真
盡耗流浪死生逐境隨緣萬劫不復可為長
太息也重陽憫化妙行真人博通三教洞曉
百家遇至人於甘河得知友於東海化三州
之善士結五社之良緣行化度人利生接物
聞其風者咸敬憚之杖屨所臨人如霧集有
求教言來者不拒詩章詞曲疏頌雜文得於
自然應酬即辨大率誘人還醇返朴靜息虛
疑養真初之靈物見真如之妙性識本來之
面目使復之於真常歸之於妙道也或問真
人者曰人生天地間雖曰最靈亦萬物中一
物耳孰能逃陰陽之數孰能出造化之機有
始必有終有生必有死此自然之常理也不